

podacima za unos u Registar, institucije iz člana 2. ove Odluke dužne su obavijestiti Ministarstvo odmah, a najkasnije 7 dana po saznanju, te u istom roku ispravljene dostaviti Ministarstvu.

- (3) Nakon uspostave neposrednog načina unosa podataka u Registar, odgovornost za tačnost i istinitost podataka unesenih u Registar isključivo je na Institucijama iz člana 2. Odluke i licima ovlaštenim za unos podataka u Registar, imenovanim od strane institucija.

Član 10.
**(Izmjena, čuvanje
i korištenje podataka)**

- (1) Ministarstvo, uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde, vrši obradu svih prikupljenih podataka koje dostave ili unesu institucije iz člana 2. Odluke, i javno objavljuje na web stranici informacionog sistema.
- (2) Svaka izmjena unesenih podataka može se vršiti na osnovu pismenog zahtjeva institucije iz člana 2. Odluke i Vlade Bosansko-podrinjskog kantona Goražde.
- (3) Podaci koji se u Registar unose na način predviđen u članu 4. stav (2) ove Odluke čuvaju se i štite u skladu sa posebnim propisima.

Član 11.
(Nadzor nad primjenom Odluke)

- (1) Odredbe ove Odluke obavezno se primjenjuju na sve institucije iz člana 2. Odluke.
- (2) Nadzor nad primjenom Odluke vrše

Ministarstvo i Vlada Bosansko-podrinjskog kantona Goražde direktno ili putem Tijela za sprečavanje i borbu protiv korupcije.

Član 12.
(Stupanje na snagu Odluke)

Ova Odluka stupa na snagu danom objavljivanja na službenoj oglasnoj tabli Kantona, a naknadn će se objaviti u „Službenim novinama Bosansko-podrinjskog kantona Goražde“.

Broj:03-34-1572/19
29.10.2019.godine
G o r a ž d e

P R E M I J E R
Aida Obuća, s.r.

745

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj 08/15), Vlada Bosansko-podrinjskog kantona Goražde, na 23. redovnoj sjednici, održanoj dana 29.10.2019.g., **d o n o s i:**

O D L U K U
O REGISTRU ZAPOSLENIH U
JAVNOM SEKTORU NA PODRUČJU
BOSANSKO-PODRINJSKOG
KANTONA GORAŽDE

DIO PRVI - OPĆE ODREDBE

Član 1.
(Predmet regulisanja)

- (1) Ovom se Odlukom propisuje obaveza uspostavljanja Registra zaposlenih u organima uprave i službama, zavodima, agencijama, direkcijama i

upravnim organizacijama, pravnim licima s javnim ovlaštenjima na teritoriji Bosansko-podrinjskog kantona Goražde, u javnim ustanovama i javnim preduzećima čiji je osnivač Bosansko-podrinjski kanton Goražde, te u privrednim društvima u kojima Bosansko-podrinjski kanton Goražde učestvuje sa više od 50% ukupnog kapitala (u daljem tekstu:Registar).

- (2) Odlukom iz stava (1) ovog člana propisuje se uspostava Registra, sadržaj, obaveza unosa podataka i rokovi, vođenje i upravljanje Registrom, pristup podacima, vremenski period korištenja podataka, odgovornost za autentičnost i tačnost podataka, i uređuju druga pitanja koja se odnose na Registar.
- (3) Registar je jedinstvena evidencija podataka o zaposlenim licima na neodređeno i određeno vrijeme u organima uprave i institucijama iz člana 2. Odluke, koji se vodi u elektronskom obliku.

Član 2. (Primjena Odluke)

Ovu Odluku dužni su primjenjivati svi organi uprave i službe, zavodi, agencije, direkcije i upravne organizacije, pravna lica s javnim ovlaštenjima na teritoriji Bosansko-podrinjskog kantona Goražde (u daljem tekstu: Kanton), javne ustanove i javna preduzeća čiji je osnivač Kanton, te privredna društva u kojima Kanton učestvuje sa više od 50% ukupnog kapitala (u daljem tekstu: organi uprave i institucije).

Član 3. (Rodna neutralnost izraza)

Riječi i pojmovi koji imaju rodno

značenje korišteni u ovoj Odluci odnose se jednako na muški i ženski spol, bez obzira jesu li korišteni u muškom ili ženskom rodu.

Član 4. (Svrha uspostavljanja Registra)

Registar iz člana 1. ove Odluke služi kao jedinstvena evidencija podataka o zaposlenim licima u organima uprave i institucijama u smislu člana 1. Stav (3) ove Odluke, radi uspostave transparentnog, centralizovanog, kvalitetnog i učinkovitog sistema upravljanja ljudskim potencijalima u javnoj službi Kantona.

DIO DRUGI - SADRŽAJ I VOĐENJE REGISTRA

Član 5. (Sadržaj podataka u Registru)

- (1) Svi organi uprave i institucije iz člana 2. ove Odluke dostavljaju Ministarstvu za pravosuđe, upravu i radne odnose Bosansko-podrinjskog kantona Goražde (u daljem tekstu: Ministarstvo) sljedeće podatke o zaposlenim licima:
 - a) ime i prezime,
 - b) naziv i sjedište organa uprave/institucije u kojem je lice zaposleno,
 - c) naziv radnog mjesta,
 - d) stručna sprema za radno mjesto,
 - e) stručna sprema lica iz tačke a) ovog stava,
 - f) zvanje lica iz tačke a) ovog stava stečeno redovnim, vanrednim i drugim oblicima obrazovanja,
 - g) datum zasnivanja radnog odnosa na neodređeno vrijeme,

- h) datum prestanka radnog odnosa na neodređeno vrijeme,
 - i) datum zasnivanja radnog odnosa na određeno vrijeme,
 - j) datum prestanka radnog odnosa na određeno vrijeme,
 - k) osnovna plata lica iz tačke a) ovog stava.
- (2) Dostava i unos podataka u Registar vrši se na osnovu isprava o zaposlenim licima i ostale dokumentacije, a što je odgovornost organa uprave i institucija iz člana 2. ove Odluke.

Član 6.
(Obaveza unosa podataka)

- (1) Podatke iz člana 5. Odluke organi uprave i institucije dostavljaju Ministarstvu radi unosa (evidentiranja) u Registar, sve do uspostave neposrednog načina unosa podataka o zaposlenim licima od ovlaštenih osoba organa uprave i institucija u kojima je lice zaposleno.
- (2) Organi uprave i institucije iz člana 2. Odluke dužne su imenovati ovlaštene osobe za dostavu i unos podataka o zaposlenim licima u Registar, nakon uspostave neposrednog načina unosa podataka iz stava (1) ovog člana, koje će imati posebne korisničke šifre za unos. Kod organa uprave i institucija iz člana 2. Odluke gdje se centralizovano vode podaci o zaposlenim licima u drugom organu, taj organ imenuje ovlaštene osobe za dostavu i unos podataka u Registar.
- (3) Organi uprave i institucije dužni su imenovati lica iz stava (2) ovog člana i dostaviti Ministarstvu u roku od 10 dana od dana stupanja na snagu ove Odluke.

Član 7.
(Blagovremenost podataka)

- (1) Inicijalnu dostavu podataka Ministarstvu o svim zaposlenim licima, organi uprave i institucije iz člana 2. Odluke izvršit će na obrascu koji će im dostaviti Ministarstvo, te iste podatke dostaviti Ministarstvu u roku od 10 dana od dana stupanja na snagu ove Odluke.
- (2) Sve naredne dostave podataka o zaposlenim licima vršit će se na način predviđen članom 6. stavovi (1) i (2) ove Odluke.
- (3) Lica iz člana 6. stav (2) Odluke obavezna su dostaviti Ministarstvu, radi unosa u Registar, odnosno nakon uspostave neposrednog načina unosa, unijeti u Registar, podatke o novozaposlenom licu u roku od 10 dana od dana zasnivanja radnog odnosa na neodređeno i određeno vrijeme.
- (4) Sve promjene podataka o zaposlenim licima u organima uprave i institucijama ovlaštene osobe dostavljaju Ministarstvu, odnosno unose u Registar u roku od 10 dana od dana izvršenih promjena.
- (5) Lica iz člana 6. stav (2) Odluke odgovorna su za tačnost i blagovremenost dostavljenih, odnosno unesenih podataka.

Član 8.
(Uspostava Registra)

- (1) Ministarstvo uspostavlja i vodi Registar iz člana 1. stav (1) ove Odluke.
- (2) Pri obavljanju poslova iz stava (1) ovog člana, Ministarstvu pružaju potrebnu stručno - operativnu pomoć i podršku, Vlada Bosansko-podrinjskog kantona Goražde putem Tijela za sprečavanje i borbu protiv korupcije,

Služba za odnose sa javnošću i organi uprave i institucije iz člana 2. ove Odluke.

**Član 9.
(Vođenje Registra)**

- (1) Na osnovu podataka organa i institucija iz člana 2. Odluke, Ministarstvo uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde formira jedinstvenu bazu podataka o zaposlenim licima u javnom sektoru na području Bosansko-podrinjskog kantona Goražde, objedinjujući podatke primjenom odgovarajućih parametara.
- (2) Tehničko uputstvo za unos podataka u Registar izradit će Ministarstvo uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde i učiniti dostupnim putem Informacionog sistema Ministarstva.
- (3) Praćenje rokova za unos podataka i reagovanje prema organima uprave i institucijama u slučaju nepoštivanja odredbi Odluke u bilo kom segmentu u nadležnosti je Ministarstva i Tijela za sprečavanje i borbu protiv korupcije Vlade Bosansko-podrinjskog kantona Goražde.

**Član 10.
(Upravljanje Registrom)**

Ministarstvo, nakon uspostave Registra, upravlja njegovim daljnjim razvojem u smislu uvođenja informacione podrške funkcijama upravljanja ljudskim potencijalima, centralizovanja podataka i korištenja istih u zakonom i drugim propisima predviđene svrhe.

**DIO TREĆI - KORIŠTENJE I ČUVANJE
PODATAKA**

**Član 11.
(Vremenski period korištenja)**

Podaci o zaposlenim licima iz člana 5. ove Odluke evidentiraju se i čine dostupnim javnosti za vrijeme trajanja radnog odnosa, a brisat će se godinu dana nakon prestanka radnog odnosa.

**Član 12.
(Autentičnost i tačnost
unesenih podataka)**

- (1) Za autentičnost i tačnost unesenih podataka odgovorni su organi uprave i institucije iz člana 2. ove Odluke.
- (2) Pogrešno ili netačno unesene podatke u Registar, ovlaštena lica organa uprave i institucije iz člana 2. ove Odluke dužna su ispraviti odmah, a najkasnije 7 dana po saznanju.

**Član 13.
(Izmjena, čuvanje
i korištenje podataka)**

- (1) Ministarstvo uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde vrši objedinjavanje svih podataka koje unose organi uprave i institucije iz člana 2. Odluke i javno objavljuje putem Anti-Corruptiks softvera.
- (2) Podaci koje u Registar unose ovlaštene osobe organa uprave i institucija iz člana 2. ove Odluke čuvaju se i štite na način kao i drugi podaci na Anti-Corruptiks softveru.

**Član 14.
(Osiguranje uvjeta
za vođenje Registra)**

Rukovodilac organa uprave i institucije iz člana 2. Odluke odgovoran je za osiguranje potrebnih kadrovskih i tehničkih uvjeta za unos podataka u Registar.

**DIO ČETVRTI - PRELAZNE I ZAVRŠNE
ODREDE**

**Član 15.
(Nadzor nad primjenom Odluke)**

- (1) Odredbe ove Odluke obavezno se primjenjuju na sve organe uprave i institucije iz člana 2. Odluke.
- (2) Nadzor nad primjenom Odluke vrše Ministarstvo i Vlada Kantona direktno ili putem Tijela za sprečavanje i borbu protiv korupcije Vlade Bosansko-podrinjskog kantona Goražde.

**Član 16.
(Stupanje na snagu Odluke)**

Ova Odluka stupa na snagu danom objavljivanja na službenoj oglasnoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj:03-34-1572-1/19 P R E M I J E R
29.10.2019.godine Aida Obuća,s.r.
G o r a ž d e

746

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 10. Odluke o osnivanju „Službe za zapošljavanje Bosansko-podrinj-

skog kantona Goražde“Goražde („Službene novine Bosansko-podrinjskog kantona Goražde“, broj: 20/01 i 7/13), Vlada Bosansko-podrinjskog kantona Goražde, na 23. redovnoj sjednici, održanoj dana 29.10.2019. godine, **d o n o s i**:

**R J E Š E N J E
o razrješenju predsjednika i članova
Upravnog odbora JU „Služba
za zapošljavanje Bosansko-
podrinjskog kantona Goražde“
Goražde**

Član 1.

Razrješavaju se dužnosti predsjednik i članovi Upravnog odbora JU „Služba za zapošljavanje Bosansko-podrinjskog kantona Goražde“ Goražde, kako slijedi:

1. **Aldin Žuga** - predsjednik,
2. **Asim Plakalo** - član,
3. **Erna Muratspahić** - član,
4. **Suvad Begić** - član,
5. **Linaida Pilav** - član

Član 2.

Rješenje stupa na snagu danom donošenja i isto će se objaviti u „Službenim novinama Bosansko-podrinjskog kantona Goražde“.

Član 3.

Stupanjem na snagu ovog Rješenja stavlja se van snage Rješenje broj: 03-05-1319/17 od 24.08.2017. godine.

Broj:03-05-1590-1/19 P R E M I J E R
29.10.2019.godine Aida Obuća,s.r.
G o r a ž d e